

Zeitschrift: Museum Helveticum ad juvandas literas in publicos usus apertum
Herausgeber: Litteris Conradi Orellii et Soc.
Band: - (1746)
Heft: 4

Artikel: Vita Samuelis Battierii, [...]
Autor: Beckius, J.C.
DOI: <https://doi.org/10.5169/seals-394593>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 27.04.2026

ETH-Bibliothek Zürich, E-Periodica, <https://www.e-periodica.ch>

* Vita
SAMUELIS BATTIERII,

*Med. Doct. & Græc. Ling. Prof. in
Acad. Basil.*

Natus est SAMUEL BATTIERIUS D. 23.
Januarii 1663 Basileæ. Puer missus est
in Gymnasium patrium, in quo abs-
que ullius Præceptoris privati opera per singula-
rem discendi cupiditatem tantum profecit, ut A.
1680 sub æquinoctii autumnalis tempus ad le-
ctiones publicas in Academia admitteretur. Ab
eo tempore audivit Professores in philologicis &
philosophicis disciplinis tum docentes. Præcipue
usus est institutione privata V. C. JO. ROD.
WETSTENII Fil. tum quidem Oratoriæ, postea
S. Theologiæ Prof. quo duce etiam in Græcis egre-
gia eruditionis suæ fundamenta posuit. A. 1683
eodem Præceptore suo promotore conscendit
Magisterii Philosophici gradum. Ab eo tempore
studio Artis medicæ se dedit, cujus discendi caus-
sa audivit publice, privatimque *Casß. Baubinum,*
Job. Rod. Burcardum, Jac. Rothium, J. Jacobum
Harderum, Nic. Eglingerum, Theod. Zwingerum.
Non abjecit interim Studium Philosophicum, &
Philologicum. Mathesin solertissime didicit,
Præceptore usus *Jacobo Bernoullio.* Algebram,

Tt 2

item

* Hanc Biographiam debemus studio, quo hoc In-
stitutum nostrum prosequitur Vir Celeberr. atque litera-
tiss. J. C. BECKIUS, S. Th. D. & Prof. in illustr. Acad.
Basileensi.

item Calculum differentialem ac Analyſin infinite parvorum ſibi familiarem reddidit. Studio Medico finito , ipſo A. 1600 Doctor ejus Artis publice creatus eſt. A. 1696 iter litterarium in Galliam ſuſcepit, ibique Mathematicos, Philoſophos, Philologos & Medicos frequenter audivit publice privatimque differentes. In Bibliothecis Pariſinis, regia præcipue, affiduus fuit, in qua & sæpius quinque aut ſex horas continuas exegit. Manuſcripta omnis generis græca evolvens. *Argentoratum* dein profectus adiit *Boeclerum*, *Kühnium*, & *Scheidium*. Cum rediſſet donum, accepit litteras a *Nicolao Gùrtlero*, Cive ſuo, qui tum apud Bernenſes docebat, qui eum ad Stationem aliquam in ea Schola obeundam invitabat. Porro *Job. Henr. Wetſtenius*, etiam Baſileenſis; ſed qui Amſtelodami typographicam Artem cum ſumma laude exercebat, ipſum ad ſe, aut in aliquam Batavorum Academiam traducere laborabat: Sed Patriam relinquere noluit. A. 1704. D. 18. Febr. Græcam linguam in Academia Baſileenſi vicario nomine docere cœpit, ac demum ſequentis anni menſe decembri Profeſſio Linguæ græcæ ad eum delata eſt. Vicariatum auſpicatus erat lectione publica, *de Studii Ling. Græc. utilitate atque commodis, deque aptiſſimo modo & ratione facillima ſtudium illud incipiendi*. Ipſius vero Muneris initio agebat, *de iis, ad quæ potiſſimum attendi debeat, ut quis in antiquis Græcorum Scriptis non ſolum loca corrupta deprehendere, ſed & eadem, ſi ullo modo id fieri poſſit, emendare valeat*. Porro D. 12. Febr. 1706. publice recitavit Prælectionem *de Litterarum Græcarum poſt induſtam plurium Sæculorum horrendam Barbariem, in Occiden-*

*Occidentalibus Europæ Partibus interitum, & quomodo ex singulari Dei Beneficio tandem illæ insigniter reflo-
ruerint.* Dum ita Provinciam suam strenue or-
naret, Mense Sept. 1711 a *Luca Schröckio* Acad.
Nat. Curiosor. Præside, accepit litteras, qui-
bus ejus Academiæ Socius, cognomento *Erotia-
nus*, dicebatur: Tantum enim abest, ut Artis
Medicæ studium abjiceret, ut potius, & opti-
mos quosque libros legendo, & Medicinam faci-
endo docendoque eam sedulo excoleret. Immo
vero etiam A. 1711, item A. 1721, nec non
1724 editis Speciminibus Disputationum, atque
Prælectionum Medicam Cathedram tum vacan-
tem ambibat. Sed Deo visum fuit, ut ad vitæ
usque finem Græcæ linguæ docendæ insudaret;
id quod etiam docendo atque scribendo sedulo
fecit. Rectoratum Academiæ semel, Facultatis
Philosophicæ Decanatum sæpius cum laude gessit.
Inde ab A. 1727 Visitator fuit Gymnasii Basile-
ensis, eique utilem operam præstitit. Ex com-
pluribus Scriptis pauca edidit, quorum indicem
subjicimus.

- 1690. De Generatione Hominis. 4.
- 1693. De simplici Apprehensione. 4.
- 1695. Specimen philologicum sive Emendatio-
nes variæ in Diogenem Laertium, Euripi-
dem &c. 4.
- 1696. De Eloquentia.
- 1701. De Mente humana: annexus est mani-
pulus Emendationum aliquot in Diogenem La-
ertium. 4.
- 1705. Observationum & Emendationum in Di-
ogenis Laertii Libros de Vitis Philosophorum

Continuatio , cum Notis quibusdam in Julii
Pollucis Ονομαστικον. 4.

1710. De Mundo. 4.

1711. Oeconomiae Corporis humani brevis De-
scriptio. 4.

- - Γνωσις σεαυτον, sive de Cognitione sui ipsius. 4.

1718. De Studio Animi Veritate & Virtute per-
ficiendi maxime necessario. 4.

1721. Oeconomiae Corporis humani Descriptio
continuata. 4.

1724. Positiones medicæ. 4.

- - Observationes sacrae in Loca quaedam N. T.
in *Bibl. Brem. Class. VI.* p. 84.

- - In Locum ad Galatas II. 3. 4. 5. Observa-
tio. *Ibid. Class. VII.* p. 56.

- - Observatio in Joh. VII. 21. 22. 23. *Ibid.*
Class. VIII. p. 745.

- - Observationum in N. T. decas, *Ibid.* p. 941.

Ceterum sicut ex editis istis patet, *Battierium* no-
strum praecipue diligentiam suam exercuisse in N.
T. item in *Diogene Laertio* & *Julio Polluce*; Ita li-
bri ejus manu notati, & in publica auctione Bib-
liothecae egregiae distracti, ostendunt, eum in
omnis generis Auctoribus graecis, potissimum vero
in *Homero* & *Hippocrate* emaculando, versatum es-
se. Utinam Viri eruditi, in quorum Bibliothe-
cas ista Exempla Battieriana transierunt, potiora
inde excerpere, atque edere in lucem velint. Cer-
te *Clar. Trillero* ipsum scimus transmisisse nonnulla,
alia vero conscripsisse, quae ob seriam & obtusam
oculorum aciem tam male picta sunt, ut inven-
tus sit nemo, qui legere potuerit. Obiit tandem
Battierius tot laboribus & senio debilitatus D. 23.
Aprilis. A. 1744.

Vitæ